

ХӨЛ ХОРИО ТОГТООСОН ҮЕД УЛС ОРНУУДЫН ПАРЛАМЕНТУУД ХЭРХЭН АЖИЛЛАЖ БАЙГАА ТАЛААРХ ТОЙМ³³

(2020 оны 11-р сарын 15-ны байдлаар)

Д.Халиун, Г.Билгээ

Финланд

Нөхцөл байдал:³⁴ Нийт халдвар авсан хүний тоо 19,102, эдгэрсэн 14,000, нас барсан 369 байна.

Сүүлийн саруудад халдварын тоо эрс нэмэгдсэнтэй холбоотойгоор Финландын Засгийн газраас холбогдох арга хэмжээ авч эхлээд байна. Ингэхдээ улс даяар бүх нийтийн хөл хорио тогтоох бус, халдвар ихээр тархаж бүс нутгуудад хязгаарлалтын арга хэмжээг чангатгах стратегийг баримтлан ажиллаж байна.

Финландын Засгийн газраас 2020.10.15-нд³⁵ коронавирусын халдвар тархахаас сэргийлж холбогдох зөвлөмжүүдийг гаргасан байна. /Зөвлөмжүүдийг 2020.12.31-нд шинэчилнэ./

Үүнд, улсын хэмжээнд төрийн болон хувийн хэвшлийн байгууллагын ажилтнуудыг зайнаас ажиллахыг зөвлөсөн.

Бүс нутгийн хувьд халдварын хэмжээ, өсөлт, тархаж буй хурд зэргээс хамаарах үе шат бүрд зориулсан зөвлөмжийг боловсруулсан байна.

- Халдварын хэмжээ хэвийн байгаа бүс нутгууд: 50 дээш хүн оролцож буй арга хэмжээг зохион байгуулахдаа холбогдох байгууллагуудаас боловсруулсан эрүүл ахуйн заавар зөвлөмжийг дагаж мөрдөх, олон нийтийн газар хүмүүс хоорондоо зай барих дэглэмийг баримтлах;
- Халдварын хэмжээ хурдацтай тархаж буй бүс нутагт 20-иос дээш хүн цугларсан хувийн арга хэмжээ зохион байгуулахгүй байх. Их дээд сургуулиудыг зайн сургалтын горимд шилжүүлэх;
- Халдвар ихээр тарсан бүс нутагт 10-аас дээш хүн цугларсан хувийн арга хэмжээ зохион байгуулахгүй байх. Шаардлагатай бол олон нийтийг арга хэмжээг цуцлах. ЕБ-ын сургуулиудын ахлах ангийг зайн сургалтын горимд шилжүүлэх зэрэг орж байна.

³³ Хамтын нөхөрлөлийн парламентын холбооноос Парламентуудад коронавирусын цар тахлын үед хэрхэн ажиллах талаар гаргасан зөвлөмжөөс <http://www.cpahq.org/cpahq/cpadocs/CPA%20toolkit%20Covid-19%20Coronavirus%20e-version.pdf>

...Хөл хорио тогтоосон үед Парламентын гишүүдийн төлөөллийн чиг үүргээ биелүүлэх нь ихээхэн хүндрэлтэй байх боловч сонгогч нартайгаа холбоотой байх нь иргэдэд сэтгэл санааны дэмжлэг болоход ихээхэн ач холбогдолтой талаар дурдсан байна. Гишүүд шуудан, эсхүл и-мэйлээр дамжуулан иргэдтэйгээ харьцаж, тэдэнд хүрч амжаагүй байгаа мэдээ, мэдээлэл, нийтийн эрүүл мэндийн зөвлөгөө зэргийг дамжуулах нь чухал гэжээ.

³⁴ <https://www.worldometers.info/coronavirus/country/finland/>

³⁵ <https://valtioneuvosto.fi/en/-/10616/government-agrees-on-national-and-regional-recommendations-to-prevent-spread-of-covid-19-epidemic>

Финландын Парламентын хувьд³⁶ парламентын хуралдаанд оролцох үед хоорондын зай барих дэглэмийг нэвтрүүлсэн. Гишүүд парламентын үйл ажиллагаанд зайнаас оролцох боломжтой ч санал өгөх боломжгүй байна. Байнгын хороодын хуралдаанаар гагцхүү зайлшгүй шаардлагатай асуудлыг хэлэлцэх бөгөөд хуралдааны тоог цөөлсөн байна.

Парламентын гишүүд ажлын байрандаа ажиллах боломжтой ч нийтийн тээврээр зорчихгүй байхыг зөвлөсөн байна. Уусима /нийслэл Хельсинки бүхий/ бүс нутагт хөл хорио тогтоосон нь гишүүд тойрогтоо очиж ажиллахыг хязгаарлаагүй байна.

ХБНГУ

Нөхцөл байдал:³⁷ Нийт халдвар авсан хүний тоо 788,899, эдгэрсэн 493,200, нас барсан 12,619 байна.

Герман Улсын хувьд коронавирусийн халдварын тоо сүүлийн саруудад эрс нэмэгдэж 24 цагийн дотор халдварын 16700 тохиолдол бүртгэгдэж, 75%-д нь хавьтагч нарыг тодорхойлох боломжгүй байдалд хүрсэн байна.

Энэ нөхцөл байдалд Герман Улсын Засгийн газраас хэсэгчилсэн хөл хориог 2020 оны 11 дүгээр сарын 2- 30-ныг дуустал тогтоохоор шийдвэрлээд байна.³⁸

Ингэхдээ сургууль, өдөр өнжүүлэх төвүүд, сүм хийд, хүнсний дэлгүүр, үсчин зэрэг хэвийн ажиллах бол кино театр, бялдаржуулах төв, усан сан, бар, ресторан /хүргэлтийн хоолноос бусад/ зэргийн үйл ажиллагааг хориглосон байна.

Германы Бундестагийн хувьд³⁹ 2020.11.09-өөс эхлэн 2021.01.17-ныг дуустал амны хаалт зүүх дэглэмийг нэвтрүүлсэн байна. Амны хаалтыг Парламентын барилгын хонгил, цахилгаан шат зэрэг бүхий л хэсэгт зүүх ёстой ба зөвхөн бусдаас 1,5м зайд суусан тохиолдолд, эсхүл хуралдааны танхим суухдаа, хуралдааныг даргалахдаа амны хаалтаа авч болох юм. Дэглэмийг зөрчигчид 5000 хүртэлх еврогийн торгууль ногдуулах бол удаа дараа зөрчсөн этгээдийн байгууламжид нэвтрэх эрхийг хасах юм.

Парламентын хуралдааны дэгийн хувьд 2020.03.25-аас 2020.09.30-ны хороонд түр хугацаатай үйлчлэх өөрчлөлт оруулж, нэгдсэн болон байнгын хорооны хуралдааныг хүчинтэйд тооцох ирцийг гишүүдийн 25% болгож бууруулсан. Байнгын хороодын хувьд зайнаас оролцох боломжийг бүрдүүлсэн. Нийтийн сонсгол, хороодын үйл ажиллагаанд иргэдийн оролцох оролцоог цахимаар хангах зэрэг горимуудыг нэвтрүүлсэн.

UIN.MN
СУДАЛГААНЫ САН

³⁶ Олон улсын парламентын холбоо, Улс орнуудын парламентуудын коронавирусийн цар тахлын эсрэг хариу арга хэмжээний талаарх тойм
<https://www.ipu.org/country-compilation-parliamentary-responses-pandemic>

³⁷ <https://www.worldometers.info/coronavirus/country/germany/>

³⁸ <https://www.dw.com/en/coronavirus-angela-merkel-defends-lockdown-warns-of-difficult-winter-in-germany/a-55430787>

³⁹ <https://www.thelocal.de/20201006/masks-made-compulsory-in-german-bundestag-amid-rise-in-berlin-covid-19-cases>

ИХ БРИТАНИ

Нөхцөл байдал: Нийт халдвар авсан хүний тоо 1,344,356, эдгэрсэн -, нас барсан 51,766. /2020.11.15/⁴⁰

Их Британийн Парламентын хувьд⁴¹ коронавирусийн халдвар тархсан үеэс эхлэн Парламентын үйл ажиллагаатай холбоотой тодорхой арга хэмжээ хэрэгжүүлж ирсэн. 2020.10.22-нд гаргасан шийдвэрийн дагуу 2021 оны 3 дугаар сарын 30-ныг дуустал гишүүд танхимдаа биечлэн хүрэлцэн ирж эрүүл ахуйн шаардлага, зөвлөмж, горимыг дагаж мөрдөн Парламентын үйл ажиллагаанд оролцох юм. Ингэхдээ зөвхөн эрүүл мэндийн шалтгаанаар оролцох боломжгүй, эсхүл коронавирусийн цар тахалтай холбоотойгоор нийтийн эрүүл мэндийг хамгаалах зорилгоор гишүүд парламентын үйл ажиллагаанд зайнаас оролцох боломжтой юм.

ЕВРОПАРЛАМЕНТ⁴²

Нөхцөл байдал:⁴³ Европод нийт халдвар авсан хүний тоо 13,794,640 (+67,252), эдгэрсэн 5,123,229, нас барсан 320,482 (+1,055) ⁴⁴ байна.

Европарламентад 10 дугаар сарын сүүлээр Европын Холбооны Парламент (Европарламент)-ын гишүүд болон ажилтнуудын дунд шинэ КОВИД-19-ийн 171 тохиолдол бүртгэгдсэн байна. Тэдний ихэнх нь шинж тэмдэггүй тохиолдлууд байв.

Европарламент нь 705 гишүүнтэй бөгөөд тэнд 4000 орчим туслах, 7500 орчим ажилтнууд ажилладаг байна.

Европарламент: Цар тахлын улмаас Европарламентын хуралдаан, уулзалтуудыг хязгаарласан бөгөөд Европарламентын гишүүд, түүний Ажлын албаны ажилтнууд хатуу тусгаарлалтад гэрээсээ ажиллаж байна.

Ийнхүү Европарламент зайнаас ажиллахдаа үндсэн чиг үүргийнхээ дагуу хүрээнд хууль батлах, Европын Холбоо (ЕХ)-ны төсвийг батлах, Европын Комисст хяналт тавих ажлаа үргэлжлүүлэн хийж байна. Европарламентын хорооны болон нэгдсэн хуралдаанаар КОВИД-19-ийн эсрэг хариу арга хэмжээ авах болон Ногоон хэлэлцээр (Green Deal), дижитал үйлчилгээ, ЕХ-ны орнуудын хөдөө аж ахуйн бодлого, урт хугацааны төсөв, Брексит (Brexit) зэрэг урт хугацааны тэргүүлэх чиглэлийн талаар хэлэлцэж байна.

Европарламентын Ерөнхийлөгч Дэвид Сассоли 2020 оны 3 дугаар сард түүхэндээ анх удаа зайнаас санал хураалт явуулах Европарламентын чуулганыг нээхдээ “Ийм огцом хямралын үед ардчиллыг түр зогсоох ёсгүй. Хууль тогтоогчдын хувьд бидэнд туслах арга хэрэгсэл, чадвар, үүрэг хариуцлага байна” хэмээн хэлжээ.

⁴⁰ <https://www.worldometers.info/coronavirus/country/uk/>

⁴¹ <https://www.parliament.uk/about/how/covid-19-hybrid-proceedings-in-the-house-of-commons/>

⁴² <https://www.europarl.europa.eu/news/en/headlines/priorities/eu-response-to-coronavirus/20200408STO76807/how-parliament-works-during-a-pandemic>. EU affairs, Updated: 27-10-2020 - 22:17.

⁴³ <https://www.bbc.com/news/topics/cygp15jgmd5t/european-parliament> . Posted at 19:27 12 Nov.

⁴⁴ https://www.worldometers.info/coronavirus/?utm_campaign=homeAdvegas1?%22%20%5C%20%22countries

Европарламент нь аюулгүй бөгөөд үр ашигтай алсын системийг боловсруулан 3 дугаар сарын сүүлээр явуулсан **нэгдсэн хуралдаандаа** ашигласан байна. Энэ үеэр нэг хэлэлцүүлэг (debate), санал хураалттай 3 хуралдаан (voting sessions), 11 санал хураалт (votes) явуулсан байна. Харин 10 дугаар сарын 19-23-ны өдрийн нэгдсэн хуралдааны үеэр 18 хэлэлцүүлэг, санал хураалттай 13 хуралдаан, 1500 гаруй санал хураалт явуулжээ. Одоо Европарламентын гишүүд нийт Европын Холбооны нутаг дэвсгэрт холбоо барих газруудаасаа нэгдсэн хуралдааны хэлэлцүүлэгт оролцох боломжтой болсон.

Европарламентын **Хороодын хуралдаан** нөхцөл байдалд зохицуулан видео-хуралдаан, эсхүл хосолсон (hybrid) хэлбэрээр зохион байгуулж байгаа бөгөөд Хороодын санал хураалт үргэлжилж байна.

Парламентуудын улс төрийн 7 бүлэг болон Ерөнхийлөгч нарын Бага хурал (Conference of Presidents) зэрэг удирдах байгууллагууд мөн зайнаас ажлаа үргэлжлүүлж байна.

